

Fartölvutrygging

Vátryggingarskilmálar nr. EE15

Um vátrygginguna gilda:

- Vátryggingarskírteinið ásamt áritunum og sérskilmálum.
- Skilmálar þessir nr. EE15.
- Sameiginlegir skilmálar félagsins nr. YY10.
- Lög um vátryggingarsamninga nr. 30/2004.

Ákvæði í vátryggingarskírteini eða endurnýjunarkvittun ganga framur ákvæðum í skilmálum. Ákvæði í vátryggingarskírteini, endurnýjunarkvittun og skilmálum ganga framur frávikjanlegum lagaákvæðum.

Efnisyfirlit:

1. Vátryggðir hagsmunir
2. Vátryggður og meðvátryggðir
3. Vátryggingin gildir
4. Bótasvið
5. Sérstakar takmarkanir á bótaskyldu
6. Varúðarreglur
7. Brot á varúðarreglum
8. Samsömun
9. Greiðsla iðgjalds
10. Endurgreiðsla iðgjalds
11. Vátryggingarfjárhæð
12. Eigin áhætta
13. Ákvörðun bóta
14. Undirtrygging
15. Tvítrygging
16. Lok vátryggingar
17. Fyrning

1. Vátryggðir hagsmunir

Vátrygging þessi tekur til fartölvu og fylgihluta hennar sem eru skráðir í vátryggingarskírteini eða endurnýjunarkvittun.

2. Vátryggður og meðvátryggðir

- 2.1 Eigandi fartölvunnar og fylgihluta er vátryggður.
- 2.2 Veðhafar og aðrir þeir sem eiga fjárhagslega hagsmuni í fartölvunni eru ekki meðvátryggðir í skilningi laga um vátryggingarsamninga nr. 30/2004.

3. Vátryggingin gildir

Vátryggingin gildir hvar sem er.

4. Bótasvið

Vátryggingin bætir:

- 4.1 Beint tjón á hinu vátryggða af völdum skyndilegs og ófyrirsjáanlegs utanaðkomandi atviks.

Vátryggingin bætir ekki tjón:

- 4.2 Sem orsakast af hita og/eða rakabreytingum.
- 4.3 Vegna framleiðslu- eða efnisgalla svo og tjón vegna rangra tenginga, rangrar rafspennu eða rangrar samsetningar.
- 4.4 Sem rekja má til eðlilegs slits.
- 4.5 Sem eingöngu veldur útlitsgalla en rýrir ekki notagildi hins vátryggða.
- 4.6 Vegna tæknilegra bilana, bilana í dagsetningar- eða hugbúnaði, gangtruflana eða titrings á skjámyndum.
- 4.7 Vegna tapaðra eða skemmdra gagna og/eða hugbúnaðar.
- 4.8 Sem seljandi, viðgerðaraðili eða flutningsaðili ber ábyrgð á samkvæmt samningi eða lögum.

5. Sérstakar takmarkanir á bótaskyldu

Vátryggingin bætir ekki tjón eða aukningu á tjóni sem beint eða óbeint hlýst af eða er af völdum:

- 5.1 Jarðskjálfta, eldgoss, skriðufalls, snjóflóðs eða annarra náttúruhamfara.
- 5.2 Styrjalдар, innrásar, hernaðaraðgerða, borgarrósta, uppreisnar, uppþots, verkfalls eða svipaðra aðgerða.
- 5.3 Kjarnabreytingar, jónandi geislunar, mengunar af geislavirkum efnum, kjarnaeldsneytis eða kjarnaúrgangsefnis.

6. Varúðarreglur

- 6.1 Vátryggður skal fara að fyrirmælum framleiðanda hvað varðar meðhöndlun, notkun og viðhald hins vátryggða.
- 6.2 Vátryggður skal loka gluggum, krækja þá aftur og læsa hífýlum, bílum, bátum og öðrum stöðum þar sem fartölvun er skilin eftir.

- 6.3 Vátryggður skal ekki skilja við fartölvuna eftirlitslausa á almannafæri og gæta þess að taka hana með þegar staður er yfirgefinn.
- 6.4 Vátryggður skal hafa vitneskju um hvar fartölvun er staðsett á hverjum tíma.
- 6.5 Vátryggður skal hafa fartölvuna í þar til gerðri tösku eða umbúðum þegar farið er með hana eða hún send á milli staða.

7. Brot á varúðarreglum

Skylt er að fara eftir varúðarreglum í skilmálum þessum. Sé varúðarreglum ekki fylgt getur ábyrgð félagsins fallið niður í heild eða að hluta, sbr. 26. gr. laga um vátryggingarsamninga nr. 30/2004.

8. Samsömun

Við ákvörðun bótaábyrgðar áskilur félagið sér rétt til að bera fyrir sig háttsemi maka vátryggðs og manns sem hann býr með í föstu varanlegu sambandi, sbr. 29. gr. laga um vátryggingarsamninga nr. 30/2004.

9. Greiðsla iðgjalds

- 9.1 Iðgjald fyrir vátrygginguna fellur í gjalddaga þegar greiðsla þess er krafist.
- 9.2 Vanskil á greiðslu iðgjalds geta valdið réttindamissi og niðurfellingu vátryggingarsamnings, sbr. 33. gr. laga um vátryggingarsamninga nr. 30/2004.

10. Endurgreiðsla iðgjalds

Falli vátryggingarsamningur úr gildi áður en vátryggingartímabili lýkur endurgreiðir félagið iðgjald í hlutfalli við þann tíma sem vátryggður hefur greitt fyrir og vátryggingin er ekki í gildi. Þetta gildir þó ekki ef vátryggingarsamningur hefur fallið úr gildi vegna þess að félagið hefur fullnægt skyldum sínum með því að greiða bætur fyrir algert tjón.

11. Vátryggingarfjárhæð

- 11.1 Vátryggingarfjárhæð nemur fjárhæð þeirri er kemur fram í vátryggingarskírteini eða endurnýjunarkvittun.
- 11.2 Upphæð vátryggingarfjárhæðar er ekki sönnun fyrir verðmæti hinna vátryggðu hagsmuna.
- 11.3 Vátryggingarfjárhæð breytist samkvæmt vísitölu neysluverðs án húsnæðis.

12. Eigin áhætta

- 12.1 Af hverju tjóni ber vátryggður sjálfur eigin áhættu sem tiltekin er í vátryggingarskírteini eða endurnýjunarkvittun.
- 12.2 Fjárhæð eigin áhættu breytist samkvæmt vísitölu neysluverðs án húsnæðis.

13. Ákvörðun bóta

- 13.1 Félagið getur annað hvort greitt áætlaðan viðgerðarkostnað eða ráðstafað fartölvunni til viðgerðar og greitt viðgerðarkostnað þannig að hún verði í svipuðu ástandi og fyrir tjón. Einnig er greiddur eðlilegur útlagður kostnaður við flutning fartölvunnar til viðgerðar.
- 13.2 Þegar um algert tjón er að ræða fara bætur eftir aldri fartölvunnar sem fram kemur í vátryggingarskírteini eða endurnýjunarkvittun.

Hámarksbætur miðast við eftirfarandi töflu:

Aldur	Hlutfall hámarksbóta búnaðar	
Mánuðir	af vátryggingarfjárhæð	
frá	til	%
0	12	100
13	18	88
19	24	75
25	30	62
31	36	50
37	42	38
43	48	25

Hafi félagið greitt bætur samkvæmt þessari grein áskilur það sér rétt til að gera tilkall til fartölvunnar sem skemmdist.

- 13.3 Algert tjón kallast það þegar viðgerðarkostnaður er jafn hár eða hærri en hámarksbætur samkvæmt töflunni.

14. Undirtrygging

Sé heildarverðmæti hins vátryggða meira en vátryggingarfjárhæð bætist tjón hlutfallslega.

15. Tvítrygging

- 15.1 Ef sama tjón fellur undir fleiri en eina vátryggingu getur vátryggður valið hvaða vátryggingu hann vill nota þar til hann hefur fengið þær bætur sem hann á kröfu til.
- 15.2 Ef fleiri en eitt vátryggingarfélag bera ábyrgð á tjóni samkvæmt gr. 15.1 skulu þau, sé ekki um annað samið, greiða bætur hlutfallslega eftir ábyrgð hvers þeirra um sig á tjóninu.

16. Lok vátryggingar

Vátryggingin er ekki endurnýjuð eftir að fartölvan er orðin fjögurra ára gömul.

17. Fyrning

Krafa um bætur fyrnist á 4 árum. Fresturinn hefst við lok þess almanaksárs er vátryggður fékk nauðsynlegar upplýsingar um þau atvik sem eru grundvöllur kröfu hans. Krafan fyrnist þó í síðasta lagi á 10 árum frá lokum þess almanaksárs er vátryggingaratburður varð.

Vátryggingarskilmálar þessir gilda frá 1. janúar 2006.